

Թիւնից դուրս չունի իր իսկական պատմութիւնը: Նրա արտաքին դիպուածային կեանքը գիմաղձուած արժէքների սիւնների վրայ կանգնած չէ:

Եւ սակայն՝ անհատականի բնագոյ՝ հայ ժողովուրդը իր պատմութեան երկրաչարժային ցնցումների վայրից երբեք դուրս չի գալիս, ձուլում է հեշտ ճամբան չի ընդգրկում, իր լինելիութեան շուրջը որոշակի սահմաններ է գծում, իր վիշտը եւ իր պայքարը գոյացման ուժի է վերածում, իր պաշտամունքի վայրերը ոճաւորում է, նա կայ, գոյութիւն ունի:

Մեր ամբողջ «խորհուրդը» գրա մէջն է:

* * *

Ինչպէս Եզրիպտոսը, Հրէաստանը, Յունաստանը եւ Ետրուսկների աշխարհը, Հայաստանը եւս ունի իր սրբազան աշխարհազրութիւնը, ուր ամէն մի շրջան հանդիսանում է իրբեւ խորհրդանշանը իր ոգու մտաւորական եւ անդրերկրային վայրերի:

Թրակիան հինուց ի վեր հեւլենացիների համար ներկայացնում էր սրբութեան երկիր, լոյսի եւ մուսանների հայրենիք, որովհետեւ նրա լեռների բարձունքներից իջել էին աստուածները՝ Զեւսը, Քրոնոսը եւ Ուրանոսը՝ իրենց հետ բերելով բանաստեղծութեան, օրէնքների եւ սրբազան արուեստների գերագոյն ութիւմը: Թամիրիսը, Լինոսը, Ամֆիոնը մտցրել էին բանաստեղծական սեռերը:

Թամիրիսը երգել էր հսկաների պատերազմը, եւ որովհետեւ նրա տաղերը տիեզերածրնութեան բանաստեղծական սեռի անկումն էին նշանաբանում, մուսանները անողորքէն հանել էին նրա աչքերը, աստուածութիւնից զրկել եւ նրա վսեմ էութիւնը աշուղական թափառումների յանձնել:

Լինոսը, դիմադրում է հիւսիսի դորիացիների դէմ եւ լուսնային պաշտամունքի հետ միասին մտցնում է ասիական մեղամաղձոտ եւ լալազին երգը:

Ամֆիոնը կառուցողական ուժն է. նրա երգերը շարժման մէջ են դնում քարերը. նրա քնարի ձայների տակ տաճարներ են բարձրանում: Նա արեւային վարդապետութեան եւ դօրիական բանաստեղծութեան վսեմ ու պայծառ ուղղափառութիւնն է եւ շինարար ոգին:

Ու մինչդեռ, առնական, տիեզերածնու-

թեան եւ արեւային աստուածները քաշոււմ են լեռների միայնութեան մէջ, անսպասու վարը, գեղածիծաղ դաշտերի մէջ, լուսնային աստուածները գեղեցիկ քրմուհիների ղեկավարութեան տակ, շոյում են ուսմիկ ժողովուրդի կենդանական բնագոյը, կրօնական կառուցողական սկզբունքը վեր ածում հաճոյքի եւ հեշտանքի արարողութեան, կեանքը համարում գինի եւ կին եւ ստեղծում հին աշխարհի մասին այն մակերեսային դաղափարը, որը յայտնի է մեր վարժապետներին «հին աստուածներ» անունով:

Թրակիոյ բարձունքներից, առնական աստուածների հետ, մենք քաշուեցինք Հայաստանի լեռները: Վկայ են Արարատը, Արագածը, Գեղամայ լեռները՝ աշխարհիս ամենաանապատային, ամենամենակեաց եւ ամենաարեւային վայրերը: Վկայ են մեր առասպելները: Արան՝ առնական, տիեզերածնական, արեւային եւ Շամիրամը՝ կանացի, լուսնային, դաշտային ծաղիկի հարբեցուցիչ բուրումով: Մեր ամբողջ պատմութիւնը Արայի առնական եւ արեւային պայքարն է ասիական լուսնային, շրւայոտ եւ մեղամաղձոտ աշխարհի դէմ: Մինչեւ այսօր էլ մենք արեւով ենք երգում եւ մեր օճախների մէջ սրբութեամբ պահում ենք կրակը, որպէսզի մութը մեզ չլլանի, եւ տիեզերքը անդունդ չգլորուի:

Գարբի ընթացքին, լեռների բարձունքների վրայ, մեր աստուածները՝ տարածութեան դէմ կանգնած՝ կարողացել էին հասկանալ աստղերի գերագոյն կշռականութիւնը, տիեզերքի կառուցողական ութիւմը եւ անհունի ներուժ լինելիութիւնը: Երբ, մեր հոգիների աղաղակին պատասխանելով, առաջին անգամ նրանք իջան վար, նրանց դէմ կանգնած էր Միթրան, «արեւի» վրայ իշխողը, «ցուլի» գոհարերողը, թաղաւորական ցեղի ներկայացուցիչը, նուաճողների «ուժեղ ուժը ուժերի», այն, որ տիրում էր առանց «բարիի» եւ «չարի», առանց «պէտքի», «ցանկութեան» եւ «յոյզի» մարդկանց վրայ: Տիեզերքի անսանձ բրնազները բնորոշող այդ սկզբունքի եւ պայծառութեան մէջ տեղի ունեցած քախումբը ցընցեց հայոց աշխարհը, վար գլորեց ժայռերը եւ դղրդիւնով լեցուց սրտերը:

Տաւրոսի լեռներից մինչեւ Արարատեան